

CONVENIO DE COLABORACIÓN ENTRE A SECRETARÍA XERAL PARA O DEPORTE DA XUNTA DE GALICIA E AS ASOCIACIONES INSERTA EMPLEO E INSERTA INNOVACIÓN EN PRO DA INSERCIÓN LABORAL DOS DEPORTISTAS GALEGOS DE ALTO NIVEL

En Santiago de Compostela, 27 de xaneiro de 2020

REUNIDOS

D. José Ramón Lete Lasa, secretario xeral para o Deporte da Xunta de Galicia, no uso das competencias desconcentradas nos secretarios xerais dependentes da Presidencia da Xunta de Galicia, en virtude da disposición adicional segunda do Decreto 76/2017, do 28 de xullo, de estrutura orgánica dos órganos superiores e de dirección dependentes da Presidencia da Xunta de Galicia.

D. Francisco Botía Robles maior de idade, con D.N.I. 51655789C, en nome e representación de Asociación Inserta Innovación, entidade con domicilio en Madrid, rúa Fray Luis de León nº 11, 2ª planta con C.I.F. nº G-81988362 constituída, mediante escritura outorgada ante o Notario de Madrid D. Antonio Crespo Monerri en data 25 de marzo de 1998, co nº 1.244 do seu protocolo. Actúa en calidade de apoderado da citada entidade, en virtude de escritura de poder outorgada ante o Notario de Madrid D Alberto Bravo Olaciregui en data 6 de febreiro de 2017 co nº 283 do seu protocolo.

Dña. Virginia Carcedo Illera, con NIF número 16.303.537 X, en nome e representación da Asociación Inserta Empleo, organización de natureza asociativa e sen ánimo de lucro, domiciliada na Rúa Fray Luis de León nº 11, 2ª planta, C.P. 28012 Madrid, e con CIF G-85563302, constituída por tempo indefinido, mediante escritura, outorgada ante o Notario de Madrid D. Alberto Bravo Olaciregui, en data 17 de novembro de 2008, co número 1.969 do seu protocolo, constituída mediante Acta Fundacional de data 30 de xuño de 2008, e inscrita no Rexistro Nacional de Asociacións con data 9 de outubro de 2008 no Grupo 1, Sección 1, número nacional 591455. Actúa na súa condición de Secretaria Xeral da mesma en virtude das facultades conferidas na escritura de poder outorgada ante o notario de Madrid D. Alberto Bravo Olaciregui, na data do 06 de xullo de 2018, co nº 1.295 do seu protocolo.

As partes, interveñen en función dos seus respectivos cargos, e no exercicio das facultades que teñen conferidas, que manifestan están vixentes e non lles foron, de ningún xeito, limitadas nin revogadas, polo que recoñecéndose mutuamente con capacidade legal suficiente

EXPOÑEN

I. Conforme ao establecido no Estatuto de Autonomía de Galicia, a Comunidade Autónoma de Galicia asume a competencia exclusiva na materia da promoción do deporte (artigo 27.22), correspondéndolle á Secretaría Xeral para o Deporte as competencias de elaboración, proposta e execución da política do goberno galego en materia de deportes, de acordo co establecido no artigo 5 do Decreto 76/2017, do 28 de xullo, de estrutura orgánica dos órganos superiores e de dirección dependentes da Presidencia da Xunta de Galicia.

II. O artigo 5 da Lei 3/2012 do 2 de abril, do deporte de Galicia, establece, entre outras competencias que lle corresponden á Administración autonómica, a de *“regular e fomentar o deporte e os deportistas de alto nivel de Galicia e as categorías de deportistas, así como os requisitos para ser incluídos nestas e os seus beneficios”*. Así, o artigo 34 reflicte que *“Terán a consideración de deportistas galegos de alto nivel, ou doutras categorías que se poidan establecer, aqueles deportistas que reúnan os requisitos establecidos regulamentariamente e sexan recoñecidos como tales pola Administración autonómica en función dos seus resultados, proxección, nivel deportivo, expectativas de progreso e interese para o deporte galego”*.

III. O Decreto 6/2004, do 8 de xaneiro, polo que se regula a cualificación dos Deportistas galegos de alto nivel e os programas de beneficios dirixidos a estes, e a Orde do 30 de maio de 2005 pola que se establecen os requisitos deportivos para o acceso á condición de deportista galego de alto nivel regulan o procedemento e os criterios polos que se obtén a condición de deportista galego de alto nivel, así como os beneficios dirixidos a eles, co obxectivo de axudar aos deportistas participantes en actividades de alto nivel e que como tales fosen recoñecidos.

IV. En virtude da lexislación referida, é o obxectivo prioritario para a Secretaría Xeral para o Deporte o apoio, en todas as ordes, aos deportistas galegos de alto nivel, que o son e que o foron, procurando todos os medios necesarios para facilitar a súa incorporación ao sistema educativo e a súa plena integración social, laboral e profesional.

V. Que dende Novembro de 2017 ata Decembro de 2019, desenvolveuse o Convenio de colaboración entre a Secretaría Xeral para o Deporte da Xunta de Galicia e as asociacións Inserta Empleo e Ilusión Empleo para aposta en marcha do programa “Eu son DGAN” en pro da inserción laboral dos deportistas de alto nivel con e sen discapacidade.

VI. Que a Fundación ONCE, constituída por acordo do Consello Xeral da Organización Nacional de Cegos Españóis (ONCE) de data oito de xaneiro de mil novecentos oitenta e oito, e aprobada e cualificada como entidade de carácter benéfico- asistencial polo entón Ministerio de Asuntos Sociais o día dous de agosto de mil novecentos oitenta e oito, ten por obxecto promover o desenvolvemento de programas que fomenten a inserción laboral e integración social das persoas con discapacidade.

Acorde coa devandita finalidade social, a Fundación ONCE considera instrumento adecuado para a inclusión social e laboral das persoas con discapacidade o desenvolvemento de accións tendentes á promoción da formación e o emprego, e no marco do Programa Operativo de Inclusión Social e Economía Social 2014- 2020 (en diante POISES) cofinanciado polo Fondo Social Europeo, séndose de novo beneficiaria do mesmo, por resolución do día 20 de setembro de 2019 e polo período comprendido entre 2019 – 2023, ao amparo da segunda convocatoria para a selección de accións mediante Resolución do día 16 de abril de 2019 e do Programa Operativo de Emprego Xuvenil (en diante POEJ), cofinanciado ademais pola Iniciativa de Emprego Xuvenil, resultou beneficiaria con data 10 de decembro de 2018 para a execución destas accións xunto coa súa entidade para a formación e o emprego das persoas con discapacidade, Inserta Empleo.

Que Inserta Empleo é unha entidade sen ánimo de lucro cuxos fins sociais son o impulso da loita contra a discriminación e a promoción da igualdade de oportunidades das persoas con discapacidade para a súa inclusión social, especialmente a través do acceso, o mantemento e a promoción para o emprego. E as accións que realiza neste marco quedan comprendidas nos proxectos aprobados para POISES e os proxectos aprobados para POEJ nas Resolucións da Dirección Xeral do Traballo Autónomo, da Economía Social e da Responsabilidade Social das Empresas, de data 10 de decembro de 2018 (POEJ) e 20 de setembro de 2019 (POISES), segundo a natureza das mesmas.

VII. A Asociación Ilunion Emprego, na actualidade a Asociación Inserta Innovación (dependente da Fundación ONCE) é unha entidade sen ánimo de lucro e declarada de utilidade pública, cuxos fins sociais son o impulso da inclusión laboral e a promoción do emprego, en especial das persoas con discapacidade e daquelas outras pertencentes a outros colectivos en situación de vulnerabilidade e/ou exclusión social a través do acceso e mantemento do emprego, a accesibilidade universal, a innovación, o coñecemento e a investigación no desenvolvemento de actuacións que fomenten a súa inclusión social. E que ofrece, tanto aos empregadores como aos demandantes de emprego, unha gama de servizos que comprenden desde a rigorosa análise das necesidades da empresa e asesoramento ata o óptimo axuste persoa-posto, pasando polo asesoramento e acompañamento en todo o proceso ata a consecución do emprego. Neste sentido atende ao demandante de emprego compilando a información necesaria para analizar o seu perfil e realizar unha adecuada derivación de candidaturas ao empresario ofertante.

VIII. Que as entidades intervincentes recoñecen que o deporte de alto nivel lles posibilita ás persoas con e sen discapacidade o desenvolvemento de altas capacidades inherentes á práctica deportiva e que o deporte é un vehículo que facilita a integración socio-laboral das persoas con discapacidade, polo que é necesario asegurar o seu desenvolvemento persoal e profesional, tanto no mundo da alta competición como fóra del, en igualdade de condicións co resto de deportistas, velando pola súa formación e empregabilidade, durante e despois da súa participación como deportistas de alto nivel.

VIII. É evidente pois, que a achega económica da Secretaría Xeral para o Deporte ao abeiro do presente convenio ten un carácter de interese público, de acordo co artigo 26.2 da Lei 9/2007, do 13 de xullo, de subvencións de Galicia, porque contribuirá optimizar todas as actuacións que se desenvolvan no obxecto da promoción do deporte de competición e de alto nivel, así como o fomento do deporte e aos deportistas de alto nivel de Galicia a través da súa integración socio-laboral, en consonancia co disposto na Lei 3/2012, do 2 de abril, outorga ao deporte (art. 2.2).

Doutra banda, cómpre salientar que existe unha identidade entre os obxectivos da Asociación e os que constitúen o obxecto do presente convenio.

Por todo o exposto, considérase de gran interese a colaboración das partes asinantes, non sendo posible promover a concorrência pública resultando, tendo en conta que se trata dunha entidade sen ánimo de lucro e declarada de utilidade pública sendo a única, pola súa capacidade técnica e de medios que desenvolve este programa coas características singulares, e que, polo tanto, de aplicación o artigo 19.4 da Lei 9/2007, do 13 de xullo, de subvencións de Galicia.

IX. Para tal efecto, as partes subscriben o presente convenio que se suxeitará ás seguintes

CLÁUSULAS

Primeira.- Obxecto do convenio.

O obxecto do presente convenio é fixar as bases e liñas de colaboración entre as partes en orde ao establecemento de actuacións e programas dirixidos a procurar o desenvolvemento profesional e a integración laboral dos deportistas galegos de alto nivel (en diante DGAN) e durante e tras a finalización da súa traxectoria deportiva. Para a consecución deste fin, o ámbito de colaboración e actuación das partes será tan amplo como se requira, e como veña determinado polos fins propios de cada unha delas.

Para iso, as entidades asinantes promoverán a realización do programa en pro da inserción laboral dos DGAN, mediante a execución de proxectos e programas de cooperación en materia de fomento da formación e o emprego de calidade entre os DGAN.

A Asociación Inserta Empleo desenvolverá o obxecto deste convenio mediante programas de formación, emprego e consultoría especialmente dirixidos a potenciar a inserción laboral deportistas galegos de alto nivel con discapacidade, empregando para este fin os seus propios medios e recursos. A Asociación Inserta Empleo desenvolve a súa liña de traballo aos Programas Operativos de Inclusión Social e Economía Social e Programa Operativo de Empleo Juvenil.

As actuacións que realice neste ámbito Inserta Empleo enmárcanse no Programa Operativo de Inclusión Social e Economía Social 2014-2020 do Fondo Social Europeo do que a Fundación ONCE é co-beneficiaria ata o día 31 de agosto de 2023 e do Programa Operativo de Emprego Xuvenil, do que a Fundación ONCE é cobeneficiaria ata o día 31 de agosto de 2022 e que desenvolve a través da Asociación Inserta Empleo.

A Asociación Inserta Innovación desenvolverá o obxecto deste convenio mediante programas de formación, emprego e consultoría especialmente dirixidos a potenciar a inserción laboral dos DGAN, compilando a información necesaria para analizar o seu perfil, actuacións que será obxecto de subvención nas condicións e termos establecidos no presente convenio.

Con este convenio, a Secretaría Xeral para o Deporte colaborará cos gastos ocasionados á Asociación Inserta Innovación con motivo dos proxectos e programas que se leven a cabo.

Asemade, a Secretaría Xeral para o Deporte facilitará, con estrito cumprimento da Lei orgánica de protección de datos de carácter persoais e garantía dos dereitos dixitais, a base de datos de carácter persoal do DGAN necesarios para a execución do Convenio.

Segunda.- Natureza e réxime xurídico

Este convenio é de natureza administrativa, e consecuentemente, as cuestións litixiosas que xurdan na súa aplicación, interpretación e cumprimento serán competencia da xurisdición contencioso-administrativa.

Ao convenio seralle de aplicación a normativa administrativa de carácter xeral constituída basicamente pola Lei 39/2015, do 1 de outubro, do procedemento administrativo común das administracións públicas, así como a Lei 40/2015, do 1 de outubro, de réxime xurídico do sector público. Ademais seralle de aplicación a súa normativa específica, constituída basicamente pola Lei 38/2003, de 17 de novembro, xeral de subvencións, e o seu Regulamento, aprobado polo Real decreto 887/2006, do 21 de xullo, nos seus preceptos declarados básicos, así como pola Lei 9/2007, do 13 de xuño, de subvencións de Galicia, e o seu regulamento, aprobado polo Decreto 11/2009, do 8 de xaneiro.

Este convenio está suxeito ás obrigas de publicidade impostas pola Lei 1/2016, do 18 de xaneiro, de transparencia e bo goberno, e do artigo 20 da Lei 38/2003, do 17 de novembro, de rexistro na Base de Datos Nacional de Subvencións.

Terceira.- Financiamento e importe da axuda.

O importe total do orzamento contemplada no presente convenio ascende á cifra de 75.000 €.

Co fin de cumprir o establecido na cláusula primeira, a Secretaría Xeral para o Deporte concédelle a asociación Inserta Innovación unha axuda por importe de 75.000 € para a anualidade 2020 á aplicación orzamentaria seguinte: Capítulo IV - Outras entidades: 04.40.441A.481.9

Este expediente tramítase como anticipado de gasto, de acordo coa Orde da Consellería de Economía e Facenda do 11 de febreiro de 1998 sobre tramitación anticipada de expedientes de gasto, modificada polas ordes da mesma consellería do 27 de novembro de 2000 e do 25 de outubro de 2001, e co establecido no Proxecto de lei de orzamentos xerais da Comunidade Autónoma, aprobado polo Consello da Xunta de Galicia na súa reunión do 17 de outubro de 2019 na cal se acordou a súa remisión ao Parlamento de Galicia para a súa tramitación.

Cuarta.- Gastos subvencionables.

Terán a consideración de gastos subvencionables:

- O coste de persoal dos dous técnicos (incluída a Seguridade Social a cargo da empresa e as pagas extraordinarias).
- Os gastos de desprazamento e manutención que, en termos xerais será de aplicación, por analoxía, o establecido no Decreto 144/2001, de 7 de xuño, sobre indemnizacións por razón do servizo ao persoal con destino na Administración Autonómica de Galicia para o grupo II, modificado por varios decretos posteriores 96/2011 de 5 de maio e 144/2008 de 26 de xuño, establecendo:
 - Manutención completa: 37,40 €
 - Media manutención: 18,70 €
 - Aloxamento: 65,97 €
 - Quilometraxe en vehículo particular: 0,19 € /km

Cando se presenten facturas que excedan estas cantidades, soamente será xustificable o importe establecido no Decreto citado anteriormente.

- Os gastos de coordinación do proxecto.
- A amortización dos equipos informáticos, o coste das comunicacións (teléfono e datos móbiles), así como o consumo de materiais funxibles.
- Se consideran tamén gastos subvencionables o custo das accións de mellora para o emprego co colectivo así como as accións de comunicación e sensibilización co colectivo ao que vai dirixido o proxecto.

Quinta.- Concorrenia con outras axudas.

A subvención é compatible con outras subvencións e axudas, públicas ou privadas, que poida acadar os beneficiarios para a realización das actuacións obxecto deste convenio, sempre que a suma de todas as subvencións e axudas non superen os gastos asumidos con motivo das ditas actuacións

Sexta.- Obrigas das asociacións Inserta Empleo e Inserta Innovación

As asociacións estarán suxeitas ás seguintes obrigas de carácter xeral e específico:

6.1.1. Obrigas de carácter xeral

- a) Executar o obxecto do convenio.
- b) Asegurar a presenza da Secretaría xeral para o Deporte en toda a publicidade que realicen as asociacións, sexa por cartelería, a través dos medios de comunicación ou calquera outro soporte utilizado, incluída a internet, para a difusión da súa actividade..
- c) Subministrarlle á Secretaría Xeral para o Deporte, en virtude do disposto no artigo 4 da Lei 1/2016 do 18 de xaneiro, logo do correspondente requirimento, toda a información necesaria para o cumprimento pola Secretaría Xeral para o Deporte das obrigas previstas no Título I da citada Lei.

6.1.2. Obrigas de carácter específico

- Levar a cabo accións individuais e/ou colectivas de difusión, sensibilización, captación, información, orientación e intermediación laboral, dirixidas, tanto ao colectivo DGAN así como aos empresarios e outros axentes sociais, de maneira que se fomente a consecución do obxecto da colaboración expresado na cláusula primeira.
- Difundir e sensibilizar entre os axentes sociais, principalmente no ámbito empresarial, do valor engadido que os mencionados deportistas atesouran pola súa probada experiencia de superación ao longo da súa preparación deportiva, na que teñen especial preponderancia a resiliencia, o esforzo constante e o traballo en equipo.
- Contar para as actividades de comunicación indicadas cun conxunto de ferramentas de sensibilización, tales como vídeos, folletos etc. que contarán coa imaxe das entidades asinantes e a imaxe e identidade distintivos do programa.
- Crear un servizo de asistencia que contará con dous técnicos e que desenvolverá as canles de comunicación específicas que sirvan para asesorar os DGAN en todas aquelas materias que sobre

emprego e formación poidan suscitarlles (entre outros: rexistro e captación dos DGAN; diagnóstico e deseño dun perfil e itinerario profesional personalizado de inserción sociolaboral; asesoramento e información sobre a carreira profesional; desenvolvemento de programas formativos a medida de competencias básicas e procura activa de emprego; intermediación laboral; asesoramento e apoio na procura de recursos para fomentar o emprendemento e a posta en marcha do negocio; así como información e asesoramento sobre becas e axudas, relación cos centros formativos e universidades, concursos e oposicións, entidades contratantes, entre outros recursos dispoñibles).

- Accións de seguimento dos DGAN e entidades colaboradoras para verificar as accións e a satisfacción así como as melloras do programa.
- Calquera outra acción que sexa de interese e teña vinculación co obxecto do presente convenio dentro dos fins propios das entidades asinantes.

A Asociación Inserta Innovación, como beneficiaria da subvención , deberá de cumprir coas seguintes obrigas:

6.2.1. Xunto ás obrigas legais que se deriven dos ámbitos materiais das subvencións, contratación e calquera outros que lles sexan de aplicación, así como as demais obrigas establecidas neste convenio, son obrigas da asociación o cumprimento dos seus termos así como da normativa reguladora de subvencións, particularmente o establecido no artigo 11 da Lei 9/2007 do 13 de xuño, e nos artigos correspondentes do Decreto 11/2009, do 8 de xaneiro.

6.2.2. Para a sinatura, seguimento e control do convenio, é requisito indispensable a presentación da seguinte documentación:

a) Anexo I:

- Declaración doutras subvencións ou axudas concedidas ou solicitadas para a mesma finalidade, procedentes de calquera outra administración ou de entes públicos, ou privados, nacionais, da UE, ou de organismos internacionais.
- Declaración de non atoparse incurso en ningunha das circunstancias previstas no artigo 13 da Lei 38/2003, do 17 de novembro.
- Declaración de non atoparse incurso en ningunha das causas de prohibición para obter a condición de beneficiario recollidas no artigo 10 da Lei 9/2007, do 13 de xuño, e demais normativas concordantes.

- Declaración de estar ao día no pagamento de obrigas por reintegro de subvencións, conforme ao artigo 10.2.g da Lei 9/2007, do 13 de xuño, e ao artigo 9 do Regulamento de subvencións de Galicia, aprobado polo Decreto 11/2009, do 8 de xaneiro.
- Declaración de que todas as persoas vinculadas as asociacións con motivo do desenvolvemento da actividade obxecto do convenio que estean en contacto con menores, están en posesión do certificado negativo do Rexistro Central de Delincuentes Sexuais (en cumprimento do artigo 13 da Lei orgánica 1/1996, do 15 de xaneiro, de protección xurídica do menor, modificado pola Lei 26/2015 do 28 de xullo, de modificación do sistema de protección á infancia e á adolescencia).
- Declaración responsable dos datos da conta bancaria onde se efectuarán os pagamentos(soamente a asociación Inserta Innovación).

No caso de que as persoa interesada se opoñan a súa consulta deberán aportar os seguintes documentos:

- DNI ou NIE da persoa representante.
- NIF da entidade.
- Certificado de estar ao corrente do cumprimento das obrigas tributarias coa AEAT.
- Certificado de estar ao corrente do cumprimento das obrigas fronte á Seguridade Social.
- Certificado de non ter pendente de pago ningunha outra débeda coa Administración Pública da Comunidade Autónoma.

6.2.3 A asociación Inserta Innovación deberá facilitar toda a información que lle sexa requirida e someterse ás actuacións de comprobación que efectúe a Secretaría Xeral para o Deporte, así como facilitar toda a información que lle sexa requirida pola Intervención Xeral da Comunidade Autónoma, no exercicio das súas funcións de fiscalización e control do destino das subvencións. Así mesmo, para a prevención da corrupción, e de acordo co previsto na Lei 6/1985, do 24 de xuño, do Consello de Contas de Galicia, modificada pola Lei 8/2015, do 7 de agosto, e co Texto refundido da Lei de réxime financeiro e orzamentario de Galicia, aprobado polo Decreto legislativo 1/1999, do 7 de outubro, as asociacións quedan sometida aos procedementos de fiscalización que leven a cabo o Consello de Contas de Galicia e, se fose o caso, segundo o previsto na Lei orgánica 2/1982, do 12 de maio, do Tribunal de Contas, aos procedementos de axuizamento contable que poida incoar o Tribunal de Contas, e a calquera outro órgano de control nacional ou europeo.

6.2.4 A asociación Inserta Innovación deberá conservar os documentos xustificativos da aplicación dos fondos recibidos, incluídos os documentos electrónicos, ao efecto das actuacións de comprobación e control.

Sétima.- Colaboración de entidades.

Como resultado das actividades que se despreguen para a consecución do obxecto do presente convenio poderase contar, no seu caso, coa colaboración de empresas comprometidas coa discapacidade, mediante a adopción de mecanismos que permitan a realización de contactos para determinar as necesidades das empresas e o encaixe destas necesidades nos perfís dos deportistas galegos de alto nivel.

Oitava.- Difusión da colaboración.

As partes comprométense a destacar a colaboración prestada por todas elas, incluíndo os seus propios logotipos e os das demais partes, en cuantos medios utilídense para a promoción e difusión (insercións en prensa, programa, folletos, comunicacións etc.) do presente convenio, así como nas actividades e na documentación que se xere como consecuencia do desenvolvemento do mesmo, respectando en todo caso as directrices de imaxe externa e de uso do logotipo que se indiquen polas entidades.

A tales efectos, as partes facilitaranse os elementos gráficos e de imaxe correspondentes á súa identidade corporativa, que só poderán ser utilizados con tal exclusiva finalidade.

Novena.- Réxime de propiedade intelectual.

Toda a documentación que se produza como consecuencia das actuacións contempladas en desenvolvemento do presente convenio, e sen prexuízo do disposto na Sección Segunda do Capítulo III do Título II da Lei de Propiedade Intelectual, aprobada por Real Decreto Legislativo 1/1996, do 12 de abril, será propiedade de Inserta Empleo e Inserta Innovación en alícuotas partes e poderá utilizarse nos cursos e actividades que se programen ben dentro deste convenio ou ben en colaboración con outras entidades a través de calquera tipo de convenio ou acordo, promovido en desenvolvemento do presente Convenio.

Non obstante, a Secretaría Xeral para o Deporte poderá empregar a documentación resultado da execución das accións contempladas no presente convenio, con relación ao desempeño das competencias atribuídas.

Decima.- Memoria.

As asociacións comprométense a elaborar anualmente, en colaboración con Secretaría Xeral para o Deporte, e antes de finalizar a vixencia deste Convenio, unha Memoria das actuacións desenvolvidas, con detalle dos traballos realizados e na que se renderá xustificación dos resultados alcanzados e dos custos incorridos.

Decimo primeira.- Xustificación da subvención.

11.1. Prazo de xustificación.

De acordo co artigo 45 do Decreto 11/2009, de 8 de xaneiro, a asociación Inserta Innovación deberá presentar ante a Secretaría Xeral para o Deporte a documentación xustificativa da subvención con data límite do 15 de decembro.

Os documentos xustificativos de gastos e pagamentos deberán de estar datados no período comprendido entre o 1 de xaneiro e o 15 de decembro do 2020.

Non obstante, segundo o establecido no artigo 29.2 da Lei 9/2007, do 13 de xuño, a acreditación do gasto relativo ás nóminas, ás cotizacións obrigatorias á Seguridade Social e retencións do IRPF correspondentes ao cuarto trimestre realizarase mediante a presentación da documentación xustificativa da súa realización e que respondan á natureza da actividade subvencionada. En consecuencia, para que estes gastos teñan a consideración de subvencionables non será preciso a acreditación do pagamento previo por parte de beneficiario.

En relación aos gastos relativos a nóminas, cotizacións á seguridade Social e retencións do IRPF correspondentes ao cuarto trimestre, aos que fai referencia o parágrafo anterior, o beneficiario está obrigado a acreditar o efectivo pagamento de ditos gastos con anterioridade ao 15 de febreiro do 2021. O incumprimento desta obriga dará lugar ao reintegro parcial da subvención. No caso de que o importe de subvención percibida polo beneficiario por aqueles conceptos sexa superior aos pagamentos efectivamente acreditados, procederá igualmente o reintegro parcial. No caso de que o importe de subvención percibida polo beneficiario por aqueles conceptos sexa inferior aos pagamentos efectivamente acreditados, a diferenza será a conta do beneficiario.

11.2. Despois de que transcorra este prazo sen presentar a xustificación correspondente nesta Secretaría Xeral para o Deporte, requiriráselle ao beneficiario para que no prazo improrrogable de dez días presente a referida documentación. A falta de presentación de xustificación neste prazo levará a

perda do dereito ao cobro total ou parcial da subvención, a existencia de reintegro e demais responsabilidades establecidas na Lei 9/2007, do 13 de xuño.

11.3. A xustificación dos pagamentos realizados deberá realizarse de conformidade de cos requisitos esixidos no artigo 42.2 do regulamento de subvencións de Galicia. Para os efectos da súa consideración como subvencionable, considerarase efectivamente pagado o gasto cando se xustifique o pagamento mediante extractos ou certificacións bancarias debidamente identificados, selados, e asinados por Inserta Innovación.

11.4. Documentación xustificativa da subvención.

a) Anexo II, relación de documentos e declaracións para a xustificación, onde se indican, entre outros, os seguintes:

- Documentación acreditativa dos gastos de persoal (incluída a Seguridade Social a cargo da empresa e as pagas extraordinarias) mediante copia das nóminas e do recibo de cotización das liquidacións. Inclúese nestes gastos os gastos consistentes en custes laborais, empregados na xustificación desta subvención, que quedan suxeitos ás seguintes regras:
 - o A xustificación dos custes laborais necesariamente deberá ir acompañada dunha certificación do director/a do proxecto, na que se estableza que os traballadores cuxos custes laborais se imputan á subvención son persoal laboral contratado para este proxecto e durante o período comprendido polo presente convenio.
 - o Co obxectivo de garantir o dereito á igualdade salarial e á non discriminación retributiva entre homes e mulleres, só poderán ser obxecto de subvención as remuneracións respecto das que se garante, a través da oportuna certificación emitida polo director/a do proxecto, a igualdade salarial entre homes e mulleres.
- Documentación acreditativa dos gastos de desprazamento e manutención. Para a xustificación de gastos de aloxamento, peaxes e aparcadoiro é preciso presentar as facturas xustificativas do gasto cos seus correspondentes xustificantes de pagamento.

A xustificación farase coas correspondentes axudas de custo, facturas, facturas simplificadas e billetes de transporte e incluírá, en todo caso, o motivo e o lugar ao que se viaxa, o intervalo de datas no que se produciu a viaxe e a relación dos viaxeiros e a súa función. No caso de ser xestionado por unha axencia de viaxes deberá presentarse ademais a factura detallada dos servizos prestados e documento acreditativo do pagamento da mesma.

- Documentación acreditativa dos gastos de coordinación do proxecto: Deberá acreditarse mediante memoria xustificativa dos gastos de coordinación do proxecto elaborada pola persoa que asume a dirección do proxecto, xunto cos xustificantes de gasto realizados por esta persoa
 - Documentación acreditativa da adquisición de equipos informáticos e do cálculo do importe anual da amortización dos equipos para a súa valoración, gasto en comunicacións (teléfono e datos móbiles), así como o consumo de materiais funxibles e os gastos derivados de accións de mellora para o emprego co colectivo así como as accións de comunicación e sensibilización co colectivo ao que vai dirixido o proxecto.
 - Acreditación do cumprimento da aplicación pública da imaxe corporativa da Secretaría Xeral para o Deporte, mediante a presentación da documentación gráfica correspondente.
- b) A xustificación dos pagamentos deberá acreditar que se fixeron cos requisitos esixidos no artigo 42 do Decreto 11/2009 do 8 de xaneiro polo que se aproba o regulamento de subvencións de Galicia.

11.5 O pago da subvención realizarase unha vez comprobado pola Secretaría Xeral a xustificación presentada polo beneficiario, a realización da actividade, proxecto, obxectivo para o cal se concedeu e o cumprimento dos demais requisitos fixados na normativa reguladora da subvención.

Decimo segunda.- Vixencia do convenio e causas de resolución.

A vixencia do convenio estenderase dende o día seguinte ao da súa sinatura ata o 31 de decembro de 2020, podendo prorrogarse de forma expresa por acordo das partes, mediante a sinatura dunha addenda tramitada consonte o procedemento legalmente establecido, por anos naturais, cunha duración máxima de ata tres anos adicionais

Son causas de resolución do convenio:

- 1.- O incumprimento total ou parcial do seu clausulado.
- 2.- A imposibilidade de realización das actuacións descritas nel por causas non imputables ás partes.
- 3.- O acordo entre as partes.

Décimo terceira.- Supostos de reintegro.

No caso de que as entidades asinantes incumpriran o disposto neste convenio, a Secretaría Xeral para o Deporte revogará total ou parcialmente a subvención concedida, logo da audiencia do interesado.

Procederá o reintegro total ou parcial por parte do beneficiario das cantidades percibidas e as esixencia dos xuros de mora correspondentes, en aplicación do disposto nos artigos 33 e seguintes da Lei 9/2007,

de 13 de xuño. As sancións en caso de incumprimento das obrigas fixadas ao beneficiario son as previstas nos artigos 59, 60 e 61 da citada lei.

Décimo cuarta.- Publicidade e rexistro de axudas.

O beneficiario da axuda coñece e consente a inclusión dos seus datos nos rexistros aos que, en virtude da normativa de publicidade á que está sometido o convenio, deberá dársele publicidade a esta subvención, en concreto, nos rexistros regulados polo Decreto 126/2006, do 20 de xullo, polo que se regula o Rexistro de Convenios da Xunta de Galicia, e o Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006.

O convenio está suxeito ás obrigas de publicidade impostas pola Lei 1/2016, do 18 de xaneiro, e a súa sinatura leva implícito o consentimento expreso das partes para as obrigas de publicidade impostas pola dita norma.

Décimo quinta. Comisión de seguimento e interpretación.

Para o seguimento do grao de execución do presente convenio e a solución de controversias que a súa interpretación poida motivar, créase unha Comisión integrada polos seguintes representantes:

- Tres representantes designados pola Secretaría Xeral para o Deporte.
- Dous representantes, un por cada asociación.

As discrepancias que, elevadas para súa resolución, non sexan resoltas a satisfacción da parte que a formule, serán sometidas ao coñecemento da xurisdición contencioso-administrativa. Non obstante, as incidencias que se poidan formular en relación coa concesión, xustificación e reintegro da presente subvención deberán resolverse pola Secretaría Xeral para o Deporte como órgano competente para a concesión da subvención, de acordo co artigo 7 da Lei 9/2007, de 13 de xuño, de subvencións de Galicia e a disposición adicional segunda do Decreto 76/2017, do 28 de xullo, de estrutura orgánica dos órganos superiores e de dirección dependentes da Presidencia da Xunta de Galicia.

A Comisión reunirase unha vez ao ano e tantas veces como sexa necesario para a boa marcha das actuacións para desenvolver no marco do Convenio. Levantarase acta dos acordos adoptados nas devanditas reunións.

A Secretaría da Comisión será desempeñada por un representante da Asociación Inserta Innovación.

Así mesmo poderán asistir ás reunións desta comisión os expertos que se designen en cada caso polas partes necesarios para o mellor desenvolvemento dos correspondentes traballos. Con todo, a presenza dos devanditos expertos circunscribírase á súa calidade de asesores, non tendo en ningún caso dereito de voto, nin os dereitos executivos que lles corresponden aos membros da devandita comisión.

Alomenos trimestralmente, a Asociación Inserta innovación trasladará á Comisión o plan de traballo para a súa aprobación previa.

Décimo sexta.- Confidencialidade e tratamento de datos persoais.

As partes comprométense a manter estrita confidencialidade respecto de calquera información de carácter confidencial que lle sexan fornecidas en méritos do presente Convenio, a non ser que por parte das mesmas autorizácese expresamente a súa difusión.

Este compromiso de confidencialidade farase extensible ao tratamento de calquera outros datos e informacións de carácter persoal a que as partes asinantes ou calquera das sociedades que integran os seus respectivos grupos de empresas puidesen ter acceso como consecuencia da execución do presente Convenio.

Neste sentido as partes comprométense a cumprir adecuadamente e, en todo momento, as disposicións contidas na Lei orgánica 3/2018, do 5 de decembro, de protección de datos persoais e garantía dos dereitos dixitais, e en calquera outras normas vixentes ou que no futuro poidan promulgarse sobre a devandita materia, comprometéndose a deixar indemne á outra parte contractual de calquera responsabilidade que se puidese declarar como consecuencia do incumprimento das obrigacións que en materia de protección de datos de carácter persoal lles incumben a cada unha delas.

En particular, se para o correcto desenvolvemento da colaboración determinada no presente Convenio, a Secretaría Xeral para o Deporte dese ás Asociacións acceso a datos de carácter persoal, ou as asociacións desen ou facilitasen o acceso a posibles empregadores a datos de carácter persoal, ben directamente ou ben a través de calquera das sociedades dos seus respectivos grupos de empresas que interveñan na execución do presente Convenio, este acceso será realizado en todo momento de conformidade co establecido na normativa vixente en materia de protección de datos, en virtude do establecido no artigo 28 da LO 3/2018.

Décimo sétima.- Inexistencia de relación laboral e ubicación das oficinas

Dos acordos que se reflicten neste convenio de colaboración non se deriva, en ningún dos casos, dereitos ou obrigas de carácter laboral.

Para a execución do proxecto, as entidades asinantes dispoñerá dun local nas oficinas da Escola Galega de Administración Pública para a realización do traballo. A dotación deste local, a organización física das instalacións, sen prexuízo das limitacións que poida impoñer a Administración, e a provisión de medios materiais deste (mobiliario, material de oficina, material informático e de comunicacións) corresponde á Inserta Empleo e a Inserta Innovación.

A directora do proxecto dirixirá e organizará a actividade dos traballadores da empresa alí destacados, controlando, ademais, a execución do servizo. A través desta directora canalizaranse as posibles incidencias que se formulen na execución dos traballos.

É responsabilidade das entidades asinantes facilitar aos seus traballadores os medios materiais necesarios para levar a cabo o seu traballo.

As entidades deberán concertar ou acreditar que dispón dun seguro de responsabilidade civil que cubra todas as súas posibles responsabilidades ante a Administración derivadas da execución do contrato. Así mesmo deberá constituír un seguro de responsabilidade civil que cubra os posibles danos nos bens públicos que se ocupen ou que se utilicen.

É responsabilidade das asinantes impartir todas as ordes, criterios de realización do traballo e directrices aos seus traballadores, sendo a Administración pública de todo allea a estas relacións laborais. Corresponde así mesmo ás entidades asinantes a vixilancia do horario de traballo dos traballadores, as posibles licenzas horarias ou permisos ou calquera outra manifestación das facultades do empregador.

En proba de conformidade asínase o presente por triplicado no lugar e data arriba indicados.

Pola Secretaría Xeral para o Deporte

Pola Asociación Inserta Innovación

Pola Asociación Inserta Empleo

José Ramón Lete Lasa

Francisco Botía Robles

Virginia Carcedo Illera



ANEXO I

PROCEDEMENTO	CÓDIGO DO PROCEDEMENTO	DOCUMENTO
CONVENIO DE COLABORACIÓN ENTRE A SECRETARÍA XERAL PARA O DEPORTE DA XUNTA DE GALICIA E AS ASOCIACIONS INSERTA EMPLEO E INSERTA INNOVACIÓN EN PRO DA INSERCIÓN LABORAL DOS DEPORTISTAS GALEGOS DE ALTO NIVEL	PR004A	DOCUMENTACIÓN

DATOS DA ENTIDADE

RAZÓN SOCIAL					NIF		
TIPO	NOME DA VÍA			NUM	BLOQ	PISO	PORTA
PARROQUIA				LUGAR			
CÓDIGO POSTAL	PROVINCIA		CONCELLO		LOCALIDADE		
TELÉFONO		FAX		CORREO ELECTRÓNICO			

E, NA SÚA REPRESENTACIÓN

NOME	PRIMEIRO APELIDO	SEGUNDO APELIDO	NIF
EN CALIDADE DE			

DATOS PARA EFECTOS DE NOTIFICACIÓN

Notifíquese a:	• Persoa representante
Todas as notificacións ás persoas interesadas realizaranse só por medios electrónicos a través do Sistema de Notificación Electrónica de Galicia Notifica.gal, https://notifica.xunta.gal .	
Só poderán acceder á notificación co certificado electrónico asociado ao NIF da persoa indicada.	
Enviaranse avisos da posta a disposición da notificación ao correo electrónico ou teléfono móbil facilitados a continuación:	
TELÉFONO MÓBIL	CORREO ELECTRÓNICO

DATOS BANCARIOS

Declaro baixo a miña responsabilidade que son certos os datos consignados relativos á conta bancaria indicada.							
TITULAR DA CONTA				NÚMERO DA CONTA BANCARIA (24 DÍXITOS)			
IBAN							





ANEXO II

RELACIÓN DE DOCUMENTOS E DECLARACIÓN PARA A XUSTIFICACIÓN DO PAGAMENTO DA SUBVENCIÓN

DATOS DA ENTIDADE	
RAZÓN SOCIAL	NIF

E, NA SÚA REPRESENTACIÓN (deberá acreditarse a representación fidedigna por calquera medio válido en dereito)			
NOME	PRIMEIRO APELIDO	SEGUNDO APELIDO	NIF
EN CALIDADE DE			

A PERSONA REPRESENTANTE DECLARA:
1. Que a subvención total concedida con cargo ao Convenio asinado foi de _____ €
2. Que todos os datos contidos neste e nos demais documentos que se achegan son certos.

DOCUMENTACIÓN QUE SE PRESENTA
Documentación acreditativa dos gastos de persoal (incluída a Seguridade Social a cargo da empresa e as pagas extraordinarias).
Documentación acreditativa dos gastos de desprazamento e manutención-
Documentación acreditativa dos gastos de coordinación do proxecto
Documentación acreditativa da adquisición de equipos informáticos/valoración da amortización
Documentación acreditativa do gasto en comunicacións (teléfono e datos móbiles), así como o consumo de materiais funxibles.
Documentación acreditativa dos gastos derivados de accións de mellora para o emprego co colectivo así como as accións de comunicación e sensibilización co colectivo ao que vai dirixido o proxecto
☐ Memoria económica explicativa do obxecto do convenio.
☐ Acreditación do cumprimento da aplicación pública da imaxe corporativa da Secretaría Xeral para o Deporte, mediante a presentación da documentación gráfica correspondente.

SINATURA DA PERSOA REPRESENTANTE					
Lugar y data					
	,	de		de	

--	--

Secretaría Xeral para o Deporte